

## Konferencija Međunarodne asocijacije zvanične statistike (IAOS)

Predstavnici Uprave za statistiku su prisustvovali i učestvovali na ovogodišnjoj IAOS konferenciji 2022, koja je održana u periodu 26-28. april 2022. godine u Krakovu na temu „Vrijedne informacije za izazovna vremena“.

Odgovori društva i privrede na kratkoročne i dugoročne posljedice pandemije COVID-a 19 odvijaju se unutar izazova klimatskih promjena i međunarodnih obaveza. Podaci, a posebno zvanična statistika, ključni su za te odgovore. U ovim vremenima, postizanje relevantnosti i povećanje povjerenja u informacije temeljni je izazov s kojim se suočava zvanična statistika. Ovogodišnja konferencija imala je sedam smjerova koji odražavaju ovaj pristup, prepoznajući da zvanična statistika mora odgovoriti na:

- potrebu za izgradnjom zajedničkog upravljanja podacima u vrijeme „poplave“ podataka;
- etičke izazove koji idu uz sve veću ulogu podataka u društvima i privredi;
- stvaranje vrijednih informacija za kreiranje politika i za javnu raspravu, na načine koji donose vrijednost i značaj podataka korisnicima;
- nove statističke metodologije i tehnologije koje mogu pružiti dobru statistiku.